

SAKSPAPIR

Saksnr	Utval	Type	Dato
054/17	Formannskapet	PS	07.06.2017
050/17	Heradsstyret	PS	21.06.2017

Saksbehandlar	ArkivsakID
Bente Skjerpung	16/2637

Godtgjersle for politisk arbeid - endring/tillegg til vedteke reglement

Vedlegg:

Spørsmål om godtgjersle for politisk arbeid - til avgjerd
REGLEMENT FOR GODTGJERSLE TIL FOLKEVALDE FOR PERIODEN 2015
Rådmannen sitt framlegg til vedtak:

«Reglement for godtgjersle til folkevalde for perioden 2015 – 2019 vert endra slik: I punkt C vert det teke inn slikt nytt punkt: Dersom formannskapet eller plan- og kommunalteknisk utval vert oppnemnd som arbeidsutval for ei sak/plan/saksområde, og dette medfører at tale på møte for medlemmene aukar med meir enn 25% i høve til fastsett møteplan, vert det utbetalt møtegodtgjersle på 0,1 % av ordførargodtgjersla pr. frammøte. Endringa vert gjort gjeldande med verknad frå»

Formannskapet - 054/17

FS - behandling:

Ordføraren, gjorde slikt framlegg: "Saka vert oversend til heradsstyret utan innstilling."

AVRØYSTING

Framlegget vart samrøystes vedteke.

FS - vedtak:

"Saka vert oversend til heradsstyret utan innstilling."

Heradsstyret - 050/17

HS - behandling:

Johannes Bysheim, AP, gjorde slikt framlegg: "Gjeldande reglement for godtgjersle for politisk arbeid vert vidareført.

Administrasjonen syter for at godtgjersle vert betalt ut automatisk til folkevalde, utan at krav må sendast inn.

Saka om reglement for godtgjersle vert lagt fram for HS i siste del av valperioden."

Alf Terje Mortensen, FRP, gjorde slikt framlegg: "Reglement for godtgjersle til folkevalde for perioden 2015 – 2019 vert endra slik: I punkt C vert det teke inn slikt nytt punkt: Dersom det vert oppnemnd arbeidsutval for ei sak/plan/saksområde, vert det utbetalt møtegodtgjersle på 0,1 % av ordførargodtgjersla pr. frammøte. Endringa vert gjort gjeldande med verknad frå 01 oktober 2015»

Hjalte H. Gislason, uavh., gjorde slikt framlegg: "Reglement for godtgjersle til folkevalde for perioden 2015 – 2019 vert ikkje endra."

Framlegget vart trekt før avrøysting.

Det vart halde pause i drøftingane frå kl. 21.30 - kl. 21.35 med gruppemøte for AP, FRP, KRF og SP.

AVRØYSTING

Alternativ avrøysting

Johannes Bysheim sitt framlegg- 20 røyster (7AP,2SP,4KRF,1uavh.,3H,1V,2MDG)

Alf T. Mortensen sitt framlegg - 7 røyster (6 FRP, 1AP)

Rådmannen sitt framlegg vart etter dette ikkje teke opp til avrøysting.

HS - vedtak:

"Gjeldande reglement for godtgjersle for politisk arbeid vert vidareført.

Administrasjonen syter for at godtgjersle vert betalt ut automatisk til folkevalde, utan at krav må sendast inn.

Saka om reglement for godtgjersle vert lagt fram for HS i siste del av valperioden."

Saksopplysningar:

Saksopplysningar:

Bakgrunn

Saka vart lagt fram for formannskapet i møtet 23.11.16 og det vart då gjort slikt vedtak:

"Saka vert å komma attende til. Rådmannen får i oppdrag å komma med framlegg til reglement for godtgjersle for politisk arbeid utover dei faste utvala.

Ein legg til grunn at det skal gjevast godtgjersle for slikt arbeid."

Saka kom opp etter spørsmål frå medlemmer i plan- og kommunalteknisk utval. Utvalet er oppnemnd som arbeidsgruppe for kommunedelplan Sjø- og strandsoneplan, og dette har medført mange møte i tillegg til dei faste møta i utvalet.

Heradsstyret vedtok 04.11.15 nytt reglement for godtgjersle til folkevalde, sjå vedlegg.

Etter dette reglementet får medlemmene i plan- og kommunalteknisk utval ca. kr 18000/år for dette vervet. Leiaren får det dobbelte av dette.

Spørsmålet vert då om den faste møtegodtgjersla også skal dekkja ekstra møte utover dei faste møta i utvalet.

Etter reglementet punkt A er det formannskapet som tek avgjerd i tolkingsspørsmål knytt til reglementet, og det kan i tillegg fastsetjast godtgjersle i særlege høve.

Vurdering

Rådmannen har lagt til grunn at fastsett møtegodtgjersle skal dekkja det arbeidet som høyrer til vervet. Spørsmålet om kva som må vurderast som ekstra utover det vanlege arbeidet knytt til politiske verv, og om dette tilfellet kjem inn under dette, må formannskapet ta stode til.

Formannskapet har bede om å få saka tilbake til behandling og at det skal vera godtgjersle for arbeid utover det som går inn under det faste vervet.

Det kan då vera ei løysing å ta utgangspunkt i reglementet punkt C:

C. ANDRE UTVAL (faste og midlertidige, Eldreråd, Rådet for funksjonshemma, Administrasjonsutvalet, Arbeidsmiljøutvalet, heradsstyrerepresentantar i samarbeidsutval ved skular/barnehagar)

Medlemmer og varamedlemmer – møtegodtgjersle tilsvarande 0,1% av ordførargodtgjersla pr. frammøte.

Forslag til nytt punkt:

Dersom formannskapet eller plan- og kommunalteknisk utval vert oppnemnd som arbeidsutval for ei sak/plan/saksområde, og dette medfører at at tale på møte for medlemmene aukar med meir enn

25% i høve til fastsett møteplan, vert det utbetalt møtegodtgjersle på 0,1 % av ordførargodtgjersla pr. frammøte.

Godtgjersle vil då utgjera ca. kr 900,- pr. møte pr. deltakar.

Folkehelse – ikkje vurdert

Miljø – ikkje vurdert

Økonomi – meir godtgjersle gir meir utgifter for kommunen, og i dette tilfellet gjeld det 7 medlemmer som eventuelt skal ha ekstra møtegodtgjersle.

Formannskapet må ta stilling til om dato for endringa/tillegget til reglementet, dersom ein vil innføra denne.

Konklusjon

Saka vert lagt fram for formannskapet til vurdering og innstilling til heradsstyret.